

SIMINATURI

Sulitariu

'ntra i surca a-pprimu sulì
comu fu Ddhiu
quannu 'n cielu r'immenzu u munnu siminàu
e sutt'ò cielu u so travagghiu
ora ...sapi ri terra
e ssapi 'i sacramientu.

Saquiennu a bbròscia scurri u so viàgghiu
a-ppassu lientu:
Avanti m-ppassu
spanni m-ppugnu 'i ranu
n'authru passu
n'âthru pugnu abbola
e ar'ogni ppassu rapiennu la manu
a terra 'bbinirici senza stola.

Ora cc'âratu torna e rritorna
scriviennu ntê surca l'antica vintura:
"L'uomu cchê figghi allonca i so jorna,
e cchê sciuri s'aterna la natura".

Ancora, ccâ zzappa firisci i taffuna,
e menthri ccâ manu accarizza la cjaia
"cuccidha - riciènnu - ora bbi rugnu
ma milli spichi mi rati ntâ gghiugnu"
abbuccàtu
chidhi spièrsi vuòrrica cchê ita
siennu a morti simenza ri vita.

E quannu ntô vèspri a sira cala
vutatu a la Luci
u juòrnu scippànnicci râ terra
e u cori, siminaturi
lientu u passu criatu
làricu u ggèstu ora criaturi
nu ràju
ri l'ùrtimu sulì
ca cci veni cantu cantu
ntâ sthrata, sulitariu, ca tuorna
appriessu....è u Spiritu Santu.